

L Circolo – Lia Mostra d’Ert Urtijëi prejënta:

Amore, c’è un morto in salotto (Amor, tlo iel na morta te stua)

Comedia da rì per talian

ai 22.11.2022 dala 20.00 te Cësa de cultura Luis Trenker

Ntreda: dunfierta

Resservé chertes: 377-5936350

Nterprec Michelangela Battistella, Marco De Martin, Silvia Saponaro

Comedia scritta y idealiseda da Silvia Saponaro

Consulënza registica de Philip Radice

Produzion ShockArt

Oreste y Annamaria ie maridei y tla crisa. N avocat dut fat su y da uem, na maestra dla scola elementera cun l cë tla nibles y cun sentimënt for inò desvalif, cuncei ite te na vita da uni di plëina de stritoc y paroles nia dites. Na sëira vën Amelia a i crì, na persona cun caracter sterch y segur de sé nstëssa, che cunedësc gën nutizies de sensazion y che tira sotsëura la vita di doi.

Co l tulëssa Vo su, sce na psicoterapeuta morta dan vint ani ruvëssa ora de nia ite te vosta cësa? Cumedia de l nia se ntënder y cun mudamënc ora dl nia per na terapia de pér scialdi autramënter dl solit.

Pensieres dl’atëura

L spetacul trata dla tematica dl nia vester boni de se rujené te n pér, spieghà tres na storia che conta la cosses plu strambes tres dialoghes da druch, metui adum cun ngrum de ironia y zinism de viers de n ilujion dl drë’amor.

Vivon te n tëmپ ulache la comunicazion danter persones ne ie urmei belau nia plu puscibla y la ulentà de abiné adum na soluzion tres l rujené ie di per di mëndra. Nscila vëniel plu gën scutà via vel’cossa al auter, crian mures de viertles y cosses che ne ie nia vëira che danejea la costruzion de n raport sane y sot.

I doi prtagonisć ie te na situazion de cunfruntamënt sfurzà, te chël che la terapia de pér ti juda, ti mustran la streda a crì na soluzion per si stritoc y ala fin dla scuvierta de n dialogh rëidl y da fundamënt.

L cuntest ie mumënc strambi y mudamënc viulënc de situazions, che acumpanieia l publich tla cumedia mata de n se falé ju.

ShockArti ie na organizazion de produziions de ert ndependënta metuda su tl 2018 a Torino da Silvia Saponaro. Si criaziions conta y va a crì la natura dla persona y si apariziions desfrëntes, cuntan la stories plu mates dla vita da uni di.


“L messëi scutè su y spartì pensieres, batudes da rì y chël ciche vën ascundù. L ulëi giauri vieresc tl tëmپ y ancunté persones che fajon do di per di o chëles che ulessan diventé. La persona ascunduda do ilujions dla realtà fauza dl teater, l drap stil che ascuend per pudëi avëi n mumënt de ncantejim. L teater ie dl publich y vif cun ël. Do uni spetacul ie la porta danter publich y artisć for davierta.”

ShockArti mët a jì reprejentaziions de teater y performances de uni sort y stil, cuntan cun profesciunisć de teater y dl ert dla performance. Mplu pietl servijes de furnaziion de teater y coaching per artisć y profesciunej o per apasciunej, firmes o curieusc a mparé a cunescer. Uni prugram ie fat aposta per pudëi jì ite te uni maniera che va debujënn per pudëi miuré la relaziions danter persones tres tecniches de comunicazion tl teater.

Silvia Saponaro.

Atëura, scritëura, regista y nsenianta de teater. Èila à teu pert a cursc de teater desfrenç a Torino y a Milano y à studià tl’Atelier Teatro Fisico de Philip Radice, ulache la à stlut ju cun l diplom de Performing Arts University. Da diesc ani incà scrijela y mëtela a jì spetaculi y performances te teatri desfrënc y plazes dla Talia. Adurvan la cunescënzes de si stude dla tecniches dl purté dant y les metan adum cun la esperienzes y esigënzes dla

comunicazion danter persones tla vita da uni di, crèiela y mètela a jì dal 2015 incà cursc de formazion a privac profesciunisc y urganisaziuns. Tl 2018 fejela pert dla urganisazion de atëures Le Musichall de Torino, cun la direzion artistica de Arturo Brachetti. Tl medemo ann mètela su l urganisazion ndependënta ShockArti ulache la mèt a jì spetaculi, performances y cursc de formazion.



Circolo – Lia Mostra d’Ert de Urtijëi

Plaza Sant Antone 102

I - 39046 Urtijëi (BZ)

Tel. 377-5936350

info@circolo.eu

www.circolo.org